

能兼有天下之人者亦若是

是以聖人欲上人以其言下之欲先人以其身後之

言下之卑屈其言而不尊高身後之退却其身而不前進此聖人謙讓盛德非有心於上人先人爲之讀者不以辭害意可也

是以處上而人不重處前而人不害

重難也害患也聖人能下之後之處人之上人不以爲難處人之前人不以爲患

是以天下樂推而不厭以其不爭故天下莫能與之爭

天下樂於推戴使之處上處前而不厭惡蓋以其卑抑退遜

道藏輯要

道德真經註

書

心集十
川上

不爭處上處前故天下之人莫能與之爭上爭先者而聖人得位得時竟得以上人先人也董氏曰德下之則形上矣德後之則形先矣楊雄云白下者人高之自後者人先之

右第五十六章

天下皆謂我道大似不肖夫惟大故似不肖若肖久矣其細不肖無所肖似疑若一無所能道大似不肖猶達巷黨人言孔子大而無一善之成名也蓋惟大而不可名故無可稱而似不肖董氏曰有所肖似則同於一物何足以爲大

夫我有三寶寶而持之一曰慈二曰儉三曰不敢爲天下先持守而不失慈柔弱哀閔而不剛強儉寡小節約而不侈肆

不敢先謀讓退却而不銳進持此三寶故雖大而似不肖也夫慈故能勇儉故能廣不敢爲天下先故能成器長今舍慈且勇舍儉且廣舍後且先死矣

慈者似怯而不勇迺所以爲勇儉者以狹而不廣迺所以能廣器有形之無長爲之上也不敢先者居人後而不爲長然自後者人先之迺所以首出庶物之上而爲器之長也舍而不用慈儉退後之寶而剛強以爲勇侈肆以爲廣銳進以求爲先則將不能保其生皆死之徒也

夫慈以戰則勝以守則固天將救之以慈衛之

慈者生之道仁之德爲三寶之首此下專言慈之一寶而二

道藏輯要

道德真經註

卷五

心集

寶在其中矣慈者人人親之如父母豈有子而敵其父母攻其父母者哉故以慈而戰守則人不忍敵攻是能勝能固也縱有來敵來攻之寇人助其父母者多亦必能勝能固或人力不逮天亦將救助之不令其敗且潰天所以救助之者以其能慈而衛護之也曹操符堅吞噬無厭不慈之甚吳晉雖非能如聖人之慈其禦寇也不得已而應之比之曹符則此善於彼亦近於慈者赤壁風火勢順而北船燬青岡風鶴聲聞而氏眾奔吳晉雖弱挫曹符百萬之兵是亦天救之也善爲士者不武善戰者不怒善勝敵者不與善用人者爲之下是謂不爭之德是謂用人之力是謂配天古之極

申言慈之實四句四善字三句言用兵一句言用人也古者車戰爲士甲士三人在車上左執弓右持矛中御車掌旗鼓皆欲其強武戰卒七十二人在車下將戰必激發其眾欲其奮怒然後能與敵爭雄而取勝慈者之用兵則不以此爲善也士不欲其強武戰不欲其奮怒勝敵不待與之對陣較力兵刃不施彼將自屈吾之智能雖在人上歉然若不智已雖有能退然若不能自處於其下用他人之智爲智用他人之能爲能不武不怒不與爲敵而自勝者以不爭爲德如天之不爭而勝也爲之下者不恃智能而用人之力成己之事如天之無爲而成故曰配天惟上古聖神之至極者能如此故

道藏輯要

道德真經註

卷

心懺

曰古之極

用兵有言吾不敢爲主而爲客不敢進寸而退尺是謂行無行攘無臂執無兵仍無敵

又申言慈之實不敢字言用兵用兵有言者用兵者嘗有是言爲主肇兵端以伐人也爲客不得已而應敵也進寸難進也退尺易退也仍就也不爲首兵但爲應兵雖爲應兵亦不欲戰不敢近進甯於遠退進戰者整其行陣而行攘臂以執兵而前進以仍敵不行則雖有行如無行不攘則雖有臂如無臂不執則雖有兵如無兵不仍之則雖有敵在前如無敵也○無行杭音

禍莫大於輕敵輕敵幾喪吾寶故抗兵相加哀者勝矣
行三軍臨事而懼不敢輕敵也輕敵則輕戰以至殺人而喪
吾慈寶矣禍莫大焉雖未進戰然一有輕敵之心則已有殺
人喪寶之漸故曰幾喪吾寶抗舉也哀者慈心之見蘇氏曰
兩敵舉兵相加而吾出於不得已則有哀閔殺傷之心良心
見而天人助之勝矣蓋慈者之勝不慈非戰而敗之不戰而
屈之卽勝也

右第五十七章

吾言甚易知甚易行天下莫能知莫能行

老子教人柔弱謙下而已其言甚易知其事甚易行也世降

道藏輯要

道德真經註

老

心集十

俗末天下之人莫能知其言之可貴莫能行柔弱謙下之事
者

言有宗事有君夫惟無知是以不我知

宗貴於族而統一族君貴於國而主一國柔弱謙下可以爲
眾言之統如族之有宗可以爲諸事之主如國之有君老子
嘆時人愚而無知是以不知我言之可貴也

知我者希則我貴矣是以聖人被褐懷玉

旣已嘆之又若幸之非幸之也深惜之爾謂之我言之可貴
者少此我之言所以爲貴若使人人能知我之言則我與眾
同不足貴矣褐毛布賤者所服人不知聖人但見其外之所